

Xi³ ma³jao²-ni³ xon⁴ xi³ pa²stro⁴ Juan qui³squi³

Juan si¹ti²²nta³

¹An³ nia¹³ cho⁴ta⁴jchi¹nca³ ti²cji³-no³ ji³ chjon⁴² xi³ qui³tjo³jin³, c²oa⁴ cao⁴ xti³-li⁴. Xi³ cjoa⁴qui²xi⁴ ma³tsjoa³que⁴-no³ an³, c²oa⁴ a³li² to⁴⁷an³-jian²³, to⁴nca³ c²oa⁴-ti⁴ nca³ts⁷i³ xi³ tsa³ve³ xi³ cjoa⁴qui²xi⁴, ma³tsjoa³que³-no³. ²Ti²cji³-no³ xi³ t²a³ts⁷e⁴ je² cjoa⁴qui²xi⁴ xi³ ti¹jna³jin³-na¹, c²oa⁴ xi³ c²oe¹jna³jin³ntsjai²-na¹. ³Ca²ta³tsjoa¹-no³ cjoa⁴nta³, ca²ta³ma³ma⁴que³-no³, ca²ta³si¹qui³njen³nch⁷an¹jin³ ni⁴ma⁴-no³ je² Ni³na¹ N⁷ai³-na¹, cao⁴ Nai³-na¹ Jesucristo, ⁷nti¹-le⁴ N⁷ai³-na¹. Ca²ta³tsjoa¹-no³ cjoa⁴qui²xi⁴ cao⁴ cjoa⁴tjao²cha³.

C²oe¹yo³jin³-ta³coan³²

cjoa⁴fa³⁷ai³tsjen³-le⁴ Cristo

⁴A³li² c²oa⁴cji³ coan³tsjoa³jin³-na³ nca³ tsa³⁷ve³ c²a³ je² xti³-li⁴, nca³ tjio¹ma³jin³ xi³ cjoa⁴qui²xi⁴, jo³-s⁷in² nca³ ña¹-vi⁴ qui³ts⁷ai²-na¹ je² cjoa⁴te¹xo³ma³-le⁴ N⁷ai³-na¹. ⁵C²oa⁴ nt⁷ai⁴ v⁷e³ts⁷oa²³-le²³, chjon⁴², li²coi³ c²oa⁴-s⁷in² jo³-ni³ tsa² ti²cji³-le²³ cjoa⁴te¹xo³ma³ cho⁴tse⁴, to⁴nca³ je² xi³ ña¹ qui³s⁷e³-na¹ sa³⁷nta³ nca³ coan³cjain¹ ti¹tjon²-na¹, nca³

tsjoa³cha³ coan⁴² xi²nquia⁴². ⁶Coi³ je²-vi⁴ xi³ cjoa⁴tjao²cha³, nca³ coi⁴ma³² jo³ tso² cjoa⁴te¹xo³ma³-le⁴. Coi³ je²-vi⁴ cjoa⁴te¹xo³ma³: Ti⁴ma³cao⁴³ cjoa⁴tjao²cha³, jo³-s⁷in² nca³ qui³no²⁷yao²³ sa³⁷nta³ nca³ coan³cjain¹ ti¹tjon²-no³. ⁷Ncjin² ma³-ni³ xi³ v⁷a³na⁴cha⁴ ja³⁷a³s⁷en³ i⁴ son³⁷nte³-vi⁴, xi³ tsi² c²oa⁴tso² nca³ Jesucristo ja³⁷ai³-ni³ jo³ cjoan³ yao³-na¹. Je² xi³ li²coi³ c²oa⁴tso² to⁴v⁷a³na⁴cha⁴, c²oa⁴ je² xi³ co²ntran⁴-le⁴ Cristo. ⁸Ti⁴coi²ntao⁴³ yao³-no³, jme¹-ni³ nca³ tsi²coi³ si⁴cha³-si¹nio³ je² xi³ qui³ni²xai¹³-jin⁴, to⁴nca³ c²oa⁴-s⁷in² coan⁴chji¹tji¹ch⁷in³-no³. ⁹To⁴⁷ya³-ni³ xi³ fa³⁷a³ntjai²-le⁴, c²oa⁴ xi³ li²coi³ v⁷e¹yo³jin³con³ cjoa⁴fa³⁷ai³tsjen³-le⁴ Cristo, li²coi³ tjin¹-le⁴ Ni³na¹. C²oa⁴ je² xi³ v⁷e¹yo³jin³con³ cjoa⁴fa³⁷ai³tsjen³-le⁴ Cristo, tjin¹-le⁴ N⁷ai³-na¹ cao⁴ ⁷nti¹-le⁴. ¹⁰Tsa² jnco³ xi³ cjoa⁴⁷ai¹con³-no³, xi³ tsi² y⁷a³ cjoa⁴fa³⁷ai³tsjen³-le⁴ Cristo, a³li² v⁷ai²²nte³-jin²lao⁴³ ya⁴ ni³⁷ya³-no³, ni⁴⁷mi²-jin²lao⁴³: Nta³ ca²fa²⁷ai⁴. ¹¹Je² xi³ tso²-le⁴: Nta³ ca²fa²⁷ai⁴, v⁷a³cao⁴⁷a³-le⁴ xa¹-le⁴ xi³ tsi² nta³.

Juan co³ya²-le⁴ nca³ coai⁴con³-le⁴

¹²Nta³ tsa² tse³ cjoa⁴ xi³ tjin¹-na³ xi³ squi³-no³, li²coi³ coan³me³-na³

nca³ si³cji³nčh²oe²-no³ cao⁴ xon⁴
 cao⁴ nta¹jin¹, to⁴nca³ sco³ya²-
 nia¹³ nca³ cjo¹con³-no³, c²oa⁴ nca³
 cjoa³cao⁴nca³a³-no³, jme¹-ni³ nca³

je² cjoa⁴tsjoa³-na¹ coan⁴tse³ya³-
 si¹ni³. ¹³Je² xti³-le⁴ ti³chjai³ xi³
 qui³tjo³jin³ si¹ti²⁷nta³-li². C²oa⁴
 ca²ta³ma³.